



UNIVERSITETI I MITROVICËS
UNIVERSITY OF MITROVICA
"ISA BOLETINI"

PIM Trepça, 40 000 Mitrovicë, Republika e Kosovës
<http://www.umib.net>; Tel: +381-28535725/535727

Pranuar me dt 11.09.2017			
Njesia org	Numer	Nr ekzempli	Vlera
006	1206	2	

Datë: 11.09.2017

Në bazë të vendimit të Senatit të datës 08.06.2017, sipas propozimit të njësive akademike, dhe pas miratimit nga MASHT – i, Universiteti i Mitrovicës "Isa Boletini" – UMIB, shpallë

KONKURS PLOTËSUES –AFATI I DYTË

Për plotësimin e vendeve të paplotësuara nga afati i parë i konkursit për pranimin e studentëve në vitin e parë të studimeve themelore – bachelor në vitin akademik 2017/2018

I. KUSHTET E PËRGJITHSHME

1. Universiteti i Mitrovicës "Isa Boletini", në vitin e parë të studimeve, në afatin e dytë (plotësues) të konkursit për vitin akademik **2017/2018**, do të regjistrojë **462** studentë të rregullt.
2. Mbi numrin e përgjithshëm të studentëve të paraparë si më sipër, UMIB do të regjistrojë deri në 2% përkatësisht deri në **23** studentë të rregullt që i takojnë familjes së ngushtë të dëshmorëve (anëtarë të familjes së ngushtë të dëshmorëve janë: bashkëshorti, bashkëshortja, fëmijët). Studentët e kësaj kategorie do të shpërndahen në mënyrë proporcionale sipas përqindjes së numrit të përgjithshëm të studentëve për secilin departament apo program të fakulteteve veç e veç.
3. Si shtesë e numrit të përgjithshëm të përcaktuar si në paragrafin 1, bazuar në UA nr. 09/2016 të MASHT-it, UMIB do të regjistrojë deri në 12%, përkatësisht deri **142** studentë të rregullt nga komuniteti jo-shumicë. Kuota prej 12% të vendeve të rezervuara për regjistrim të studentëve nga komuniteti jo-shumicë do të shpërndahet në mënyrë proporcionale sipas përqindjes së numrit të përgjithshëm të studentëve për secilin departament apo program të fakulteteve veç e veç.
4. Në UMIB, në bazë të kuotave të përcaktuara nga MASHT-i, mund të pranohen edhe kandidatët nga Mali i Zi, Presheva, Bujanoci, Medvegja, Maqedonia dhe Shqipëria. Numri i studentëve të rregullt që do të pranohen nga këto vende do të jetë 1% e numrit të përcaktuar si në paragrafin 1 të pikës I, përkatësisht deri **14** studentë. Kandidatët të cilët kanë lindur në vendet e sipërshënuara, ndërsa shkollimin e mesëm e kanë mbaruar në Republikën e Kosovës, do t'iu nënshtrohen kushteve të njëjta për pranim si kandidatët nga Kosova.
5. Përjashtimisht kushteve të veçanta të përcaktuara për kandidatët si në pikën 2, 3 dhe 4, nëse të njëjtit arrijnë të kualifikohen brenda numrit të paraparë si në pikën 1, atëherë këta kandidatë nuk do të llogariten në kuadër të kuotës së rezervuar.
6. **Mbi bazë të konsideratave humane, UMIB rezervon të drejtën e pranimit të kandidatëve me nevoja të veçanta.**
7. Të drejtë pranimi në UMIB kanë të gjithë kandidatët kosovarë, të cilët e kanë përfunduar me sukses shkollën e mesme në Kosovë apo jashtë Kosovës dhe e kanë diplomën për shkollimin e kryer.
8. Në UMIB mund të pranohen edhe studentët nga shtetet e tjera, në kushte të njëjta konkurrimi me kandidatët nga Kosova.
9. Kandidatë jo-kosovarë konsiderohen kandidatët të cilët shkollimin e mesëm e kanë mbaruar jashtë Kosovës.
10. Vendimi për njohjen dhe për barasvlerën e diplomës merret nga MASHT, ndërsa barasvlera e notave do të bëhet nga zyra për zhvillim akademik e UMIB, e cila gjendet në Rektorat.
11. UMIB do të sigurojë përgatitjen e testeve për provim pranues në gjuhën në të cilën kandidatët kanë përfunduar shkollimin paraprak ose/dhe për të cilën deklarohen paraprakisht në formularin për vetë deklaram.

12. Njësitë akademike përkatëse të UMIB, me rastin e aplikimit të kandidatëve nga komuniteti jo-shumicë bëjnë verifikimin e dokumentacionit pedagogjik duke përfshirë dëftesat dhe diplomat në gjuhën në të cilën kandidatët kanë përfunduar shkollimin e mesëm.
13. Deklarimi i rrejshëm në formularin për vetë deklaram, sipas nenit 391 të Kodit Penal (KODI NR. 04/L-082) të Republikës së Kosovës konsiderohet vepër penale.
14. **Kandidatët të cilët kanë të regjistruar një program studimi në cilindo nivel të studimit në kuadër të UMIB nuk kanë të drejtë konkurrimi në program tjetër studimi në UMIB pa përfunduar studimet në programin ku kanë qenë duke studiuar ose pa u çregjistruar nga programi aktual i studimeve.**
15. **Kandidatët për pranim si student të UMIB-it në vitin akademik 2017/18 nuk mund të konkurrojnë më shumë se në një fakultet apo program.**

II. E DREJTA E ANKESËS DHE AFATI PËR ANKESË

Kandidatët të cilët nuk janë pranuar mund t'i paraqesin ankesë fakultetit përkatës më së largu 48 orë pas publikimit të rezultateve. Pas këtij afati, ankesat nuk do të pranohen. Shqyrtimi i ankesave bëhet nga Komisioni për shqyrtimin e ankesave nga fakulteti përkatës.

Kandidatët të cilët nuk janë pranuar, mund t'i tërheqin dokumentet e tyre në fakultetin përkatës nga data 27.09.2017 deri më 29.09.2017.

III. MËNYRA E PËRZGJEDHJES SË KANDIDATËVE

1. Përzgjedhja e kandidatëve për të gjitha fakultetet e poshtëshënuar:

Fakulteti i Gjeoshkencave, Fakulteti i Teknologjisë Ushqimore dhe Fakulteti i Inxhinierisë Mekanike dhe Kompjuterike, do të bëhet sipas kritereve në vijim:

a. Për nxënësit që kanë diplomë për kryerjen e shkollës së mesme e nuk kanë pasur provim të maturës:

Numri maksimal i pikëve sipas kritereve vijuese është 100 pikë, dhe atë:

1. Suksesi në shkollën e mesme deri në 30 pikë;
2. Suksesi në provimin pranues deri në 70 pikë.

b. Për nxënësit që kanë diplomë për kryerjen e shkollës së mesme dhe e kanë dhënë me sukses provimin e maturës:

Numri maksimal i pikëve sipas kritereve vijuese është 100 pikë, dhe atë:

1. Suksesi në shkollën e mesme deri në 30 pikë;
2. Suksesi në maturë deri në 30 pikë;
3. Suksesi në provimin e maturës nga lëndët me përparësi për regjistrim në Fakultet deri në 40 pikë.

Lëndët me përparësi për regjistrim në Fakultet janë të shënuara në pjesën e konkursit ku bëhet fjalë për secilin prej këtyre fakulteteve.

2. Përzgjedhja e kandidatëve për të gjitha fakultetet e poshtëshënuara:

Fakulteti Juridik dhe Fakulteti i Edukimit, do të bëhet sipas kritereve si në vijim:

a. Për nxënësit që kanë diplomë për kryerjen e shkollës së mesme e nuk kanë pasur provim të maturës:

Numri maksimal i pikëve sipas kritereve vijuese është 100 pikë, dhe atë:

- Suksesi në shkollën e mesme deri në 30 pikë; dhe
- Suksesi në provim pranues deri në 70 pikë.

b. Për nxënësit që kanë diplomë për kryerjen e shkollës së mesme dhe e kanë dhënë me sukses provimin e maturës:

Numri maksimal i pikëve sipas kritereve vijuese është 100 pikë, dhe atë:

- Suksesi në shkollën e mesme deri në 30 pikë;
 - Suksesi në maturë deri në 30 pikë; dhe
 - Suksesi në provimin pranues deri në 40 pikë.
3. Të drejtë radhitjeje, përkatësisht pranimi kanë vetëm kandidatët që arrijnë së paku 40% nga numri i pikëve të parapara për provim pranues.

4. Kandidatët të cilët nuk arrijnë së paku 40% nga numri i pikëve të parapara për provim pranues nuk mund të pranohen edhe nëse mbeten vende të paplotësuara sipas konkursit.
5. Përgjithimisht kushteve të përgjithshme të përcaktuara në paragrafin 3 dhe 4 të pikës III, kandidatët të cilët konkurrojnë sipas kriterëve të përcaktuara si në paragrafin 2, 3 dhe 4 të pikës I, të drejtë radhitjeje, përkatësisht pranimi kanë vetëm ata që arrijnë së paku 30% nga numri i pikëve të parapara për provim pranues.
6. Fakultetet e organizojnë mbajtjen e provimit pranues më së shumti në tri lëndë mësimore, të cilat i caktojnë vetë fakultetet.
7. Nëse numri i pikëve të disa kandidatëve është i barabartë, zgjedhja e kandidatëve do të bëhet në bazë të suksesit të përgjithshëm nga shkolla e mesme. Nëse edhe pas kësaj do të kemi të njëjtën dukuri, merret sukcesi nga lëndët e ngushta profesionale. Nëse dukuria e numrit të barabartë të pikëve përsëritet, atëherë përparësi do të kenë kandidatët e gjinisë femërore. Në rastin e fakulteteve në të cilat organizohet provimi pranues përparësia e studentëve fillon nga numri i pikëve të fituara në provimin pranues, pastaj sukcesi nga shkolla e mesme dhe në fund përparësi do të kenë kandidatët e gjinisë femërore. Nëse edhe pas këtij kriteri numri i pikëve mbetet i barabartë atëherë zgjedhjen e kandidatëve do të bëjë komisioni përkatës i fakultetit.
8. Fakultetet janë të obliguara që tërë listën e kandidatëve, të cilët kanë konkurruar, t'ia dërgojnë Rektoratit të Universitetit dhe ta publikojnë në ueb-faqen e Universitetit.
9. Për funksionimin e programit të studimit është i nevojshëm numri minimal prej 20 studentëve.
10. Regjistrimi i studentëve të pranuar në vitin e parë bëhet në Administratën Qendrore të Universitetit, sipas orarit të përcaktuar me këtë konkurs.

IV. AFATET E KONKURSIT

Për regjistrimin e studentëve në vitin e parë të studimeve, oraret do të jenë si në vijim:

1. Paraqitja e dokumenteve zgjat prej datës 11.09.2017 deri më 18.09.2017 në ora 16.00 (dokumentet do të pranohen çdo ditë me përjashtim të dielave).
2. Aplikimi online do të funksionalizohet prej ditës së parë të konkursit, përkatësisht prej datës 11.09.2017, nga ora 10.
3. **Me rastin e paraqitjes, kandidatët duhet t'i sjellin këto dokumente:**
 - a) *Certifikatën e lindjes (origjinal)*
 - b) *Kopjen e letërnjoftimit*
 - c) *Dëshmi – Vendimi nga organi kompetent, mbi njohjen e statusit të familjes së dëshmorit,*
 - d) *Dëftesat e të gjitha klasave të shkollës së mesme (origjinal ose të noterizuara)*
 - e) *Diplomën e kryerjes së shkollës së mesme ose dëftesën e maturës, nëse ka pasur provim të maturës (origjinal ose të noterizuar)*
 - f) *Vërtetimin mbi pikët e fituara në provimin e maturës për lëndët mësimore (vetëm kandidatët për fakultetet: Fakulteti i Gjeoshkencave, Fakulteti i Teknologjisë Ushqimore dhe Fakulteti i Inxhinierisë Mekanike dhe Kompjuterike)*
 - g) *Fletëparaqitja e plotësuar shkarkohet gjatë aplikimit online nga interneti: www.umib.net (apliko online)*
 - h) *Pagesën prej 2.5 Euro.* Forma e pagesës shkarkohet dhe shtypet nga ueb-faqja e Universitetit të Mitrovicës, ndërsa pagesa bëhet në bankë.
 - i) *Vendimin mbi njohjen e shkollimit jashtë vendit.*
4. Dokumentet nën pikën d) dhe e) mund të pranohen duplikat vetëm nëse dëshmohen me vërtetim të organeve kompetente për humbje, dëmtim, vjedhje etj. *P.S. Pas nxjerrjes së dokumenteve duplikat, dokumentet origjinale nuk mund të shfrytëzohen nga kandidati pasi që ky veprim konsiderohet vepër penale.*
5. Njoftimet dhe oraret për vendin ku do të mbahen provimet pranuese mund të merren në fakultetet përkatëse, si dhe në ueb-faqet e këtyre fakulteteve. Datat e mbajtjes së provimeve pranuese në fakultetet e ndryshme janë të shpallura në vijim:

Provimet pranuese do të mbahen sipas këtij orari:

Më 20.09.2017, në orën 9:00 Fakulteti i Edukimit dhe Fakulteti Juridik.

Më 20.09.2017, në orën 12:00, në këto fakultete: Fakulteti i Gjeoshkencave; Fakulteti i Teknologjisë Ushqimore dhe Fakulteti i Inxhinierisë Mekanike dhe Kompjuterike. (vetëm kandidatët me sistem të vjetër që nuk kanë provim të maturës).

6. Të gjithë kandidatët të cilët i nënshtrohen provimit pranues duhet të kenë me vete letërnjoftimin ose pasaportën. Kandidatët nuk mund t'i nënshtrohen provimit pranues pa dokument identifikimi. Kandidatët të cilët nuk paraqiten në kohën e caktuar për mbajtjen e provimit pranues, sipas orarit të shpallur, nuk do të lejohen të marrin pjesë në provim. Në kohën e mbajtjes së provimit pranues ndalohet përdorimi i telefonave celularë!
7. **Shpallja e rezultateve të provimit pranues do të bëhet, më së voni, deri më 21.09.2017 në fakultetet përkatëse si dhe në ueb-faqen e Universitetit.**
8. Kandidatëve u rekomandohet që para paraqitjes në konkurs të bëjnë kopje të mjaftueshme të dokumenteve, sepse dokumentet origjinale nuk do të mund t'i tërheqin deri në diplomim apo çregjistrim nga fakulteti.
9. Për informata më të hollësishme, kandidatët mund t'u drejtohen fakulteteve përkatëse ose ta vizitojnë faqen e internetit: **www.umib.net**
10. **Regjistrimi i kandidatëve të pranuar do të bëhet prej 25.09.2017 deri më 29.09.2017, prej orës 9:00 – 15:00. Jashtë këtij afati kandidatët e pranuar nuk do të mund të regjistrohen, prandaj luten që t'i përmbahen afatit të lartshënuar.**
11. Kandidatët e pranuar për regjistrim duhet të paraqesin:
 1. Fletëregjistrimin e plotësuar, i cili merret me rastin e regjistrimit.
 2. Dy fotografi (formati 4.5 x 6 cm), të cilat duhet të jenë sipas normave dhe rregullave për dokumente personale.
 3. Studentët shtetas të Republikës së Kosovës që fillojnë studimet në Universitetin e Mitrovicës, vitin e parë të studimeve e kanë falas.
 4. Pagesa për një semestër për studentë që nuk janë shtetas të Republikës së Kosovës, do të jetë në lartësi prej 25 € për studime të rregullta.
12. Pagesa për semestër bëhet në njërin prej bankave afariste me fletëparaqitje për pagesë, e cila shkarkohet dhe shtypet nga Ueb faqja e Universitetit të Mitrovicës.

Numri i studentëve për regjistrim sipas fakulteteve dhe programeve të studimit

Fakulteti- Programi	Për studime të rregullta	Familja e dëshmorëve	Kandidatë nga komunitetet jo-shumicë	Kandidatë nga Mali i Zi, Presheva, Bujanoci, Medvexha, Maqedonia dhe Shqipëria	Gjithsej
Fakulteti i Gjeoshkencave	137	3	21	3	164
Gjeologji	42	1	7	1	51
Xehetari	39	1	7	1	48
Materiale dhe Metalurgji	56	1	7	1	65

Lëndët me përparësi nga provimi i maturës, suksesi i të cilave do të merret parasysh për pranim, janë: Matematika, Fizika dhe Kimia. Për kandidatët që kanë mbaruar shkollën e mesme pa provim të maturës, provimi pranues do të mbahet nga lënda: Matematikë.

Fakulteti- Programi	Për studime të rregullta	Familja e dëshmorëve	Kandidatë nga komunitetet jo-shumicë	Kandidatë nga Mali i Zi, Presheva, Bujanoci, Medvexha, Maqedonia dhe Shqipëria	Gjithsej
Fakulteti i Teknologjisë Ushqimore	135	5	30	3	173
Inxhinieri dhe Teknologji Ushqimore	60	3	18	2	83
Teknologji: Specializimi Inxhinieri Kimike Specializimi: Inxhinieri e mjedisit	75	2	12	1	90

Lëndët me përparësi nga provimi i maturës, suksesi i të cilave do të merret parasysh për pranim, janë:

Programi Inxhinieri dhe Teknologji Ushqimore: Matematika, Biologjia dhe Kimia.

Programi Teknologji: Me specializime: Inxhinieri kimike; Inxhinieri e mjedisit: Matematika, Fizika dhe Kimia.

Për kandidatët që kanë mbaruar shkollën e mesme pa provim të maturës, provimi pranues do të mbahet nga lëndët:

Programi Inxhinierie dhe Teknologji Ushqimore: Biologjia dhe Matematika.

Programi Teknologji: Me specializime: Inxhinieri kimike; Inxhinierie mjedisit: Matematika.

Fakulteti- Programi	Për studime të rregullta	Familja e dëshmorëve	Kandidatë nga komunitetet jo-shumicë	Kandidatë nga Mali i Zi, Presheva, Bujanoci, Medvexha, Maqedonia dhe Shqipëria	Gjithsej
Fakulteti i Inxhinierisë Mekanike dhe Kompjuterike	176	8	49	4	237
Makineri Prodhuese	83	2	12	1	98
Informatikë Inxhinierike	36	3	18	2	59
Inxhinieri Ekonomike	57	3	19	1	80

Lëndët me përparësi nga provimi i maturës, suksesi i të cilave do të merret parasysh për pranim, janë: Matematika, Fizika dhe Informatika.

Për kandidatët që kanë mbaruar shkollën e mesme pa provim të maturës, provimi pranues do të mbahet nga lënda: Matematikë

Fakulteti- Programi	Për studime të rregullta	Familja e dëshmorëve	Kandidatë nga komunitetet jo-shumicë	Kandidatë nga Mali i Zi, Presheva, Bujanoci, Medvexha, Maqedonia dhe Shqipëria	Gjithsej
Fakulteti Juridik	0	3	19	2	24

Provimi pranues mbahet nga lëndët: Fillet e së drejtës, E drejta kushtetuese dhe Gjuhë shqipe.

Fakulteti- Programi	Për studime të rregullta	Familja e dëshmorëve	Kandidatë nga komunitetet jo-shumicë	Kandidatë nga Mali i Zi, Presheva, Bujanoci, Medvexha, Maqedonia dhe Shqipëria	Gjithsej
Fakulteti i Edukimit	14	4	23	2	43
Edukim Fillor	0	2	14	1	17
Edukim Parashkollor	14	2	9	1	26

Provimi pranues do të mbahet nga lëndët: Gjuhë shqipe, Letërsi shqipe dhe Matematikë.